

Sexua

Aisialdia pasatzeko beste modu bat

Hasierako trabak kenduta, gero eta erabiltzaile
gehiago dituzte Iruñeko denda erotikoei

Oraindik ere sexuak gizarteko sektore batzuetan erreparorik sortzen badu ere, gero eta jende gehiago hurbiltzen da Iruñean zabalik dauden bi denda erotikotara. Haietako arduradunen iritziz, sexuaz gozatzea aisialdia pasatzeko beste modu bat da. Dena den, adituek zein dendariak heziketa sexualaren beharra sumatzen dute.

UDAZKENEKO HEGO-HAIZE EPELAK JOTA EDO, Firuk beste bazkide batzuekin Sex Haizegoa denda erotikoa edo *sex-shop*-a ireki zuen Iruñean, 1994ko abuztuko beroaren arrimuan. Ideia 1989an Bartzelonara egindako bidaia batean ikusitakotik ateratu zuten. «Sexuaren inguruko aisialdian gero eta gauza gehiago zeudela ikusirik, Iruñeak horretarako aukera bazuela ikusi genuen, eta denda zabaltzea erabaki genuen». Pentsatu eta egin egin zuten baina urratu beharreko bidea ez zen erraza izan, hasiera batean mila arazo eta traba izan baitzituzten. Batetik, Iruñeko Udalaren presioa izan zuten, eta bestetik, denda ondoko auzokideena. «Udalak ez zuen sailkatua horrelako aktibitate bat eta ez zekien zertan oinarritu behar zuen guri irekiera batzuen emateko. Azkenean osasunarentzat txarrak, kaltegarriak eta deserosoak zirenen artean kokatu gintuen», gogoratu du Firuk. Era berean, ohitura onen eta moralaren aurkako 1982ko Espainiako Erret Dekretu batean babesturik, Udalak sarrerako errotuluak kentzera behartu zituen, barruan zer saltzen zen iragartzen zutenak. Dena den, arazo legala izan zen gutxienezkoa, dendari behin baino gehiagotan eraso baitzioten. Establezimenduko kristal opakoak behin baino gehiagotan harrikatu eta apurtu zituzten, eta hasierako bospasei hilabeteetan aurrealdea pintadaz josi zitoten. Hori gutxi balitz, izan zen denda itxeko ahaleginean sinadurak biltzen ibili zen auzokiderik ere, eta beste norbaitek petardoak atean jarri eta kristala lehertarazi zuen. Arazoak arazo, Sex Haizegoak aurrera jarraitu du eta Firuk eta bere bazkideak beste bat ireki zuten joan den maiatzean.

Denetarik aurki daitezke

Sex-shop batera hurbiltzen denak sexuaz gozatze-ko nahi adina osagarri bitxi zein ohiko topa ditzake: aldizkari eta bideo pornoak, txantxetarako artikulua mordoak eta, nahiz izanez gero, apaingarri erotikoei dituzten tartak ere enkargatu. Nola-

nahi ere, gehien erabiltzen direnak bideoak, aldizkariak eta kabinak omen dira. «Maizkoa den jendeak, batez ere, bideoak eta aldizkariak ematen ditu etxera, eta kanal askotako kabinak ere erabiltzen ditu. Erabiltzaileak kabinan sartu eta txanpon batzuen truke 32 kanaletan *zapping* eginaz hainbat irudi porno tarteka ditzake. Hori hemen, eta maiatzean ireki genuen beste dendan 64 kanaletan barna ibili daitezke», azpimarratu du dendako arduradunak. Ohikoa ez den erabiltzaileak, berriz, nahiago ditu txantxetarako artikulua. «Zakilak, puzten diren panpinak, bibragailuak eta, batez ere, fereketan erabiltzeko lubrifikatzaileak».

Zenbat artikulua, hainbat erabiltzaile ditu denda erotikoa. Sex Haizegoara denetarik hurbiltzen da, hasi hemezortzi bete berriak dituen gaztetik eta bastoiaren laguntzaz doan aitona-raino. Ohiko bezeroa gizonezkoa da eta bideoa eta aldizkariak ditu gustuko. Txantxetako gaiak ez dute ez adinik ez sexurik, eta guztiek eramaten dituzte noizbait; dela ezkondu aurreko agur afarirako, dela bikotearekin edo taldeka zapo ehizan ibiltzeko eta josta-

Dendan dauden hainbat kanaleko kabinak ere oso erabiliak dira.

LUIS AZANZA



tzeko. «Duela gutxi berrogeita hamar urteko alar-gun bat etorri zen izan dituen bi senarrak bihotzekoak emanda hil zitzaizkiola eta bibragailu eder bat erosi zuen disgustu gehiago ez zuelako nahi. Koadrilak, berriz, taldeka etortzen dira: bat nora, guztiak hara joaten dira zer egin ez dakitela».


Firuren ustez «zoritarrez sexua ez dago normalizatua. Ez da gozatze beste zeregin bat bezala hartzen eta gizarteko zati handi batek begi txarrez ikusten du». Hala ere, heziketa falta nabarmena sumatzen badu ere, gauzak gutxinaka bada ere aldatzen ari direla dio. «Gizarteko sektore zabal batek sexuaren kontsumoa eskatzen du eta gorputz askok aisialdi hori nahi dute. Aisialdia gozatze beste modu bat besterik ez dugu eskaintzen hemen».

Ildo horretan, *sex-shop*-ak sexu gustuetan aurrera egiteko beste pizgarri bat dira. «Bikoteen arteko sexu sinplean gelditu beharrean, gehigarri asko jar daitezke harremanean: bideoak, bibragailuak... Gauza da praktikatzan dutenak ados egotea eta euren nahiak asetzea».

Literatur eta pintura lehiaketak

Baina *sex-shop*-ak, praktikatzeko gonbita ez ezik, sexuaren erotikaren inguruan idazteko eta margotzeko aukera ere eskaintzen du. Aurten, lehenengo, pintura erotikoko lehiaketa antolatu du Sex Haizegoak eta aurki bi urtez jarraian egin duen literatura lehiaketara ere deituko du. Jabot goitizena erabiltzen duen marrazki irakasle batek irabazi zuen joan den urtean *Venus en Sodoma* (Venus Sodomian) liburuarekin eta oraingorako ere beste bat prestatzen ari da. «Literatura erotikoa sexuaz goatzeko beste era bat da eta, era berean, ikasteko modua», gehitu du irribarretsua.

→ Irene Arrizurieta



Jose Luis

«Nafarr
sektore
hezike
sexualaren
daude eta
sexualita
ezkutut
bihurtzen
Aldiz, se
ariketa on
osasungarri